

Na Wharetini Rangī rana ko P. H. Tomoana i tautoko. Whakaaetia ana.

19. **Nga Whare-Mihana.**

He nui nga korero mo tenei take, ara te nui rawa o te moni e pau ana ki aua whare. I runga i te tono a te Tiamana, hikitia ana tenei take mo te Hui Topu a te wa o te Hinota.

20. **Te Wairoa.**

I whakaatu a Rewi Tamihana, kua kore rawa he tangata hei hapa i te Hahi i Te Wairoa, i te kore Minita mo tera Pariha. Nana tonu i mau he rarangi kohikohi i roto i ona hoa pakeha, a koia tenei nga moni ma koutou e kaute. Te kautetanga kitea ana te rahi o tana moni e £25 8s. Ka tono ia kia rihihia ki a ia te whenua o te Hahi hei tuunga mo te whare-minita a tona wa. Ka homai ano e ia e £4 mo te tau. Ka eke ai tana moni ki te £29 8s.

He nui nga kupu mihi a te Hui mo te kaha o tenei kaumatua ki te manaaki i nga mahi o te whakapono. Ko tetahi wahi o tana moni mo Meranihia, ko te rahinga hei whakaea i tetahi wahi o te muna a Te Wairoa.

Misses Bulstrode.

I whakaatu a Peneti i tona whakaaro kia whakapuaretia he Mihana, ma nga Misses Bulstrode ki Te Wairoa. Kanui nga tamariki o Hukarere kei te Wairoa e noho ana. Ka 25 nga tau o enei wahine e noho ana hei kai-whakaako mo Hukarere. Kua mutu ta raua ako i reira, engari ka mahi tonu raua i roto i te iwi Maori. Mehemea ka tu he whare e tika ana mo raua ki reira, tera pea raua e whakaaro mo taua take. Kua nui nga painga kua puta ki Porangahau.

Kaua rana hei puritia tonutia ki reira, itemea kua whiwhi ratou ki a Wharetini Rangī rana ko Rotu. Me aroha nga wahi kei te ngāikore. Kua hikitia tenei take mo te Hui Topu.

21. **Mo nga kaute a te Tari Pihopatanga.**

Na Peneti te motini, na Henare Hutana i tautoko:—Kia whakakorea atu i roto i nga kaute o nga Pariha te moni whakarite ma nga tamariki, i te mea ka uaua te hiahia o nga Minita tokonui nga tamariki, engari ka whai nga Pariha ko nga Minita kore tamariki kia mama ai nga rarururu. Me whakahoki tenei take ki te Komiti Tumuaki o te Pihopatanga, me te tono atu ki a ratou, kia whakaritea tenei take i tetahi atu puna. Pauhitia ana.

He mea whakamutu te hui ki te inoi.

P. PENETI,

e Secretary.

"ROPU MO TE AO HOU."

(T. Wi Repa, M.B., Ch.B.)

He wa tenei e tika ana kia tiro-tirohia ano te ahua o ta tatau noho i te Ao nei. Kua hori te Ao tawhito kei muri kua riro oti atu. Kaore e hoki mai, kore, kore rawa atu. Kaati tatau te ko'ingo ki taua tupapaku. E ki ana a Te Karaiti! "Waiho te hunga mate kia tapuke i tona tupapaku." Ko te ao ka haere tonu. Kaore e tu; kaore e hoki whakamuri. Kai te haere whakamua tonu. Kei roto tatau i te Ao Hou: Me pewhea tatau? Waiho te Ao Tawhito kia moe ana i tona moenga roa. Heoi ta tatau he